

## **Udhëzim Administrativ Nr.03/2009-MPB**

### **PER PROCEDURAT E FITIMIT TE SHTETSISE SE KOSOVES**

#### **Procedurat e fitimit te shtetësisë me lindje ne baze te origjinës kur te dy prindërit janë shtetase te Republikës se Kosovës**

Shtetësia e Republikës se Kosovës fitohet me lindje nëse ne kohen e lindjes se fëmijës te dy prindërit janë shtetase te Republikës se Kosovës.

Regjistrimi i Shtetësisë ku vendi i lindjes se fëmijës dhe vendbanimi i prindërve është i njëjte, behet sipas detyrës zyrtare nga Zyrtari i Gjendjes Civile ne komunën përkatëse.

Regjistrimi i Shtetësisë se fëmijës kur vendi i lindjes se fëmijës dhe vendbanimi i prindërve është i ndryshëm behet ne vendbanimin e prindërve me kërkesën e palës (prindërit apo kujdestaret).

Kërkesës duhet bashkangjitur këto dëshmi:

- Certifikatën e lindjes se fëmijës
- Certifikata nga regjistri i Gjendjes Civile ose ndonjë dëshmi tjetër te vlefshme qe dëshmon shtetësinë e prindërve ne Kosove.

#### **Procedurat e fitimit te shtetësisë me lindje ne Kosove ku njeri prind është shtetas i Kosovës**

Kërkesa për regjistrimin e shtetësisë me lindje ne Kosove ku njeri prind ka shtetësinë e Kosovës, parashtrohet personalisht apo përmes njërit prind për persona te mitur sipas vendbanimit te parashtruesit te kërkesës ne Zyrën komunale te Gjendjes Civile ne Republikën e Kosovës.

Kërkesës duhet bashkangjitur këto dëshmi:

- Certifikata e lindjes se fëmijës
- Certifikata nga regjistri i Gjendjes Civile ose ndonjë dëshmi tjetër te vlefshme qe dëshmon shtetësinë e prindërve ne Kosove.
- Pajtimi i fëmijës me te vjetër se 14 deri ne 18 vjeç.
- Pajtimi me shkrim i prindërit me shtetësi tjetër i vërtetuar ne ketë rast Komisioni për Shtetësi i MPB-se, siguron qe fëmija te mos mbetet pa shtetësi nëse prindi ne fjale nuk e jep pajtimin e ti/saj/

## **Procedura e fitimit te shtetësisë kur fëmija është i lindur jashtë Kosovës dhe prindi tjetër është me shtetësi te panjohur ose pa shtetësi**

Regjistrimi i shtetësisë kur fëmija është i lindur jashtë Kosovës dhe njeri prind ka shtetësinë e Kosovës, ndërsa prindi tjetër është me shtetësi te panjohur ose pa shtetësi, kërkesa parashtrohet personalisht apo përmes njërit prind për persona te mitur sipas vendbanimit te parashtruesit te kërkesës ne Zyrën komunale te Gjendjes Civile ne Republikën e Kosovës.

Kërkesë duhet bashkangjitur këto dëshmi:

- Certifikatën e lindjes se fëmijës
- Certifikatën nga regjistri i Gjendjes Civile te prindit ose ndonjë dëshmi qe dëshmon shtetësinë e tij ne Kosove.
- Pajtimi i fëmijës me te vjetër se 14 deri ne 18 vjeç.
- Pajtimi me shkrim i prindit qe nuk e posedon shtetësinë e Kosovës i vërtetuar, ne këtë rast Komisioni për Shtetësi i MPB-se, siguron qe fëmija te mos mbetet pa shtetësi nëse prindi ne fjale nuk e jep pajtimin e ti/saj/

## **Procedura e fitimit te shtetësisë nëse fëmija është i lindur jashtë Kosovës dhe prindi tjetër ka shtetësi tjetër por te dy prindërit pajtohen me shkrim qe fëmija te fitoj shtetësinë e Kosovës**

Kërkesa për regjistrimin e shtetësisë kur fëmija është i lindur jashtë Kosovës dhe prindi tjetër ka shtetësi tjetër por te dy prindërit pajtohen me shkrim qe fëmija te fitoj shtetësinë e Kosovës parashtrohet përmes njërit prind sipas vendbanimit te parashtruesit te kërkesës ne Zyrën komunale te Gjendjes Civile ne Republikën e Kosovës. Kjo dispozite duhet te ushtrohet para se fëmija te ketë mbushur moshën 14 vjeçare.

Kërkesë duhet bashkangjitur këto dëshmi:

- Certifikatën e lindjes se fëmijës
- Certifikatën nga regjistri i Gjendjes Civile te prindit ose ndonjë dëshmi qe dëshmon shtetësinë e tij ne Kosove
- Pajtimi me shkrim i prindërve i vërtetuar, ne këtë rast Komisioni për Shtetësi i MPB-se, siguron qe fëmija te mos mbetet pa shtetësi nëse prindi ne fjale nuk e jep pajtimin e ti/saj/.

## **Fitimi i shtetësisë me lindje ne territorin e Republikës se Kosovës**

Ne rastet kur fëmija është gjetur ose është lindur ne territorin e Republikës se Kosovës prindërit te cilët janë te panjohur, atëherë ai e fiton shtetësinë e Republikës se Kosovës me rastin e regjistrimit ne Regjistrin e Lindjes dhe regjistrohet sipas detyrës zyrtare ne Regjistrin e Shtetësisë.

## **Procedura e fitimit te shtetësisë kur fëmija është i lindur ne Kosove ndërsa prindërit kane shtetësi tjetër por kane leje qëndrimit te vlefshëm ne Kosove**

Ne rastet kur fëmija është i lindur brenda territorit te Republikës se Kosovës ndërsa prindërit e ti kane shtetësi tjetër por kane leje qëndrimit te vlefshëm ne Republikën e Kosovës, fëmija mund te fitoj shtetësinë e Kosovës me pëlqimin e te dy prindërve.

Kërkesës për fitimin e shtetësisë duhet bashkangjitur:

- Certifikata e lindjes se fëmijës
- Kopjet e dokumenteve te identifikimit dhe dëshmi e vlefshme te qëndrimit ne Republikën e Kosovës për te dy prindërit.
- Pajtimi me shkrim i prindërve i vërtetuar, ne këtë rast Komisioni për Shtetësi i MPB-se, siguron qe fëmija te mos mbetet pa shtetësi nëse ndonjëri prej prindërve nuk jep pajtimin.

## **Procedura e aplikimit për fitimin e shtetësisë së Kosovës me natyralizim**

Kërkesa për fitimin e shtetësisë së Kosovës me natyralizim parashtrohet nga personi i huaj i moshës madhore personalisht në Zyrën e Gjendjes Civile sipas vendbanimit të parashtruesit të kërkesës në Republikën e Kosovës.

Kërkesës duhet bashkangjitur këto dëshmi:

- Certifikata e lindjes dhe martesës për personat e martuar
- Dëshmi e lejes së përhershme të qëndrimit për 5 vite
- Dëshmi që i ka përmbushur të gjitha detyrimet financiare (dëshmi nga Administrata Tatimore e Kosovës dhe nga Zyra Komunale e Tatimit në Prone mbi përmbushjen e obligimeve tatimore).
- Dëshmi për banimin adekuat për parashtruesin e kërkesës dhe vartëseve të tij
- Dokument që dëshmon njohuri elementare në një të një prej gjuhëve zyrtare
- Dëshminë që nuk është nën hetime penale dhe që nuk është i dënuar për vepra penale të lëshuar nga gjykata kompetente e Republikës së Kosovës, dhe policia e Kosovës. Si dhe organi kompetent i shtetit të huaj shtetas i të cilit është parashtruesi i kërkesës apo shtetit në të cilin ai/ajo ka pasur vendbanimin e fundit jo më të vjetër se 6 muaj.
- Vërtetim nga Policia e Kosovës
- Dëshmi që posedon mjete të mjaftueshme materiale për të siguruar jetesën e vet dhe personave për mbajtjen e të cilëve është përgjegjës pa shfrytëzuar skema sociale
- Dokument i vlefshëm identiteti në kopjen e vërtetuar me fotografimin e poseduesit që duket qarte.
- Deklaratën e betimit me shkrim që e pranon rendin kushtetues dhe juridik të Republikës së Kosovës
- Taksa administrative në raste të fitimit në shumë prej 150 euro.

## **Procedura e aplikimit për fitim e shtetësisë së Kosovës me natyralizim i/e bashkëshortit**

Kërkesa e personit të huaj i cili është bashkëshort i shtetasit të Kosovës për fitimin e shtetësisë me natyralizim parashtrohet personalisht apo nëpërmjet përfaqësuesit ligjor në Zyrën e Gjendjes Civile sipas vendbanimit të parashtruesit të kërkesës në Republikën e Kosovës.

Kërkesës duhet bashkëgjitur:

- Certifikata e lindjes dhe martesës e cila dëshmon se paku 3 vite lidhje të vlefshme martesore me shtetasin e Kosovës.
- Dëshmi për banimin e ligjshëm në Republikën e Kosovës për se paku 1 vit para se të bëhet parashtrimi i kërkesës.
- Dëshmi që i ka përmbushur të gjitha detyrimet financiare (dëshmi nga Administrata Tatimore e Kosovës dhe nga Zyra Komunale e Tatimit në Prone mbi përmbushjen e obligimeve tatimore).
- Dëshminë që nuk është nën hetim dhe që nuk është i dënuar për vepra penale e lëshuar nga gjykata kompetente e Republikës së Kosovës, dhe policia e Kosovës. Si dhe organi kompetent i shtetit të huaj shtetas i të cilit është parashtruesi i kërkesës apo shtetit në të cilin ai/ajo ka pasur vendbanimin e fundit, jo më të vjetër se 6 muaj.
- Vërtetim nga Policia e Kosovës
- 
- Dëshmi që posedon mjete të mjaftueshme materiale për të siguruar jetesën e vet dhe personave për mbajtjen e të cilëve është përgjegjës pa shfrytëzuar skema sociale.
- Dokument i vlefshëm identifikimi.
- Deklaratën e betimit me shkrim që e pranon rendin kushtetues dhe juridik të Republikës së Kosovës
- Taksa administrative në raste të fitimit në shumë prej 150 euro

## **Procedura e aplikimit për fitimin e shtetësisë së Kosovës me natyralizim i fëmijës së mitur të personit të natyralizuar**

Fëmija i mitur nën moshën 18 vjeçare i parashtruesit të kërkesës për natyralizim e fiton shtetësinë e Republikës së Kosovës me natyralizim në bazë të natyralizimit të prindërve të tij. Parashtrimi i kërkesës për të miturin duhet të bashkëngjitet kërkesës për natyralizim të prindit dhe të parashtrohet nga prindi i tij apo nëpërmjet përfaqësuesit ligjor në Zyrën e Gjendjes Civile në komunën ku banon parashtruesi i kërkesës.

Kërkesës duhet bashkëngjitur këto dëshmi:

- Certifikata e lindjes së fëmijës
- Dokumente zyrtare të vlefshme të prindërve, të cilët dëshmojnë identitetin e tyre
- Pajtimi i fëmijës me të vjetër se 14 deri në 18 vjeç
- Pajtimi me shkrim i prindërve të vërtetuar
- Taksa administrative në shumë prej 50 euro.

Kjo procedurë vlen edhe për personat e mitur të adaptuar.

## **Procedura e aplikimit për fitimin e shtetësisë me natyralizim te personit qe ka humbur shtetësinë e Kosovës**

Kërkesa për fitimin e shtetësisë me natyralizim te personit qe ka humbur shtetësinë e Kosovës me lirim nga shtetësia parashtrohet personalisht apo përmes njërit prind për personat e mitur ne Zyrën e Gjendjes Civile, sipas vendbanimit te fundit te parashtruesit te kërkesë ne Republikën e Kosovës.

Kërkesës duhet bashkangjitur këto dëshmi:

- Certifikatën e lindjes
- Certifikatën nga regjistri i Gjendjes Civile te prindit
- Kopje te dokumenteve te identifikimit te te dy prindërve
- Dëshmi qe i ka përmbushur te gjitha detyrimet financiare (dëshmi nga Administrata Tatimore e Kosovës dhe nga Zyra Komunale e Tatimit ne Prone mbi përmbushjen e obligimeve tatimore).
- Dëshminë qe nuk është nen hetime dhe qe nuk është i dënuar për vepra penale e lëshuar nga gjykata kompetente e Republikës se Kosovës si dhe organi kompetent i shtetit te huaj shtetas i te cilit është parashtruesi i kërkesës apo shtetit ne te cilin ai/ajo ka pasur vendbanimin e fundit, jo me te vjetër se 6 muaj.
- Vërtetim nga Policia e kosoves
  
- Dëshmi qe posedon mjete te mjaftueshme materiale për te siguruar jetesën e vet dhe personave për mbajtjen e te cilëve është përgjegjës pa shfrytëzuar skema sociale.
- Deklaratën e betimit me shkrim qe e pranon rendin kushtetues dhe juridik te Republikës se Kosovës
- Pajtimi me shkrim i prindërve i vërtetuar
- Pajtimi i fëmijës me te vjetër se 14 deri ne 18 vjeç
- Taksa administrative ne shume prej 150 euro, ndërsa për persona te mitur ne shumën prej 50 euro.

## **Aplikimi ne misionin Diplomatik apo Konsullor te Republikës se Kosovës**

Ne rastet kur parashtruesi i kërkesës i ka vendbanimin jashtë Republikës se Kosovës kërkesa mund ti parashtrohet përfaqësive diplomatike ose konsullore te Republikës se Kosovës qe kanë juridiksion mbi vendbanimin e parashtruesit te kërkesë. Përfaqësia diplomatike ose konsullore ka për detyre qe kërkesën e parashtruar t'ja përcjelle tek organi kompetent. Ne baze te kërkesës nëpunësit konsullor mund te ndihmojnë Ministrin e Punëve te Brendshme me marrjen e dëshmive qe kane te bëjnë me kërkesën, ne pajtim me kompetencat e tyre qe dalin nga Ligji për Shërbimin Konsullor te Misioneve Diplomatike dhe Konsullore te Republikës se Kosovës. Shqyrtimi dhe vendosja e kërkesës i nënshtrohet procedurave te përcaktuara me Udhëzim Administrativ, si dhe Udhëzimet tjera te Ligjit për Shtetësinë e Kosovës.

## **Udhëzim Administrativ Nr.04/2009-MPB**

### **PER PROCEDUREN E HUMBJES SE SHTETESISE SE KOSOVES ME LIRIM**

#### **Procedurat e aplikimit për humbjen e shtetësisë së Kosovës me lirim nga shtetësia për personat madhor**

Kërkesa për humbjen e shtetësisë së Republikës së Kosovës me lirim nga shtetësia për persona madhor parashtrohet në Zyrën e Gjendjes Civile personalisht sipas vendbanimit të fundit të parashtruesit të kërkesës në Republikën e Kosovës.

Kërkesës duhet bashkangjitur këto dëshmi:

- Dëshminë për posedimin e shtetësisë të ndonjë shteti tjetër apo garancionin (provën) se kjo shtetësi do ti jepet
- Certifikatën e lindjes
- Kopje të dokumentit të identifikimit
- Dëshmi për vendbanimin në shtetin e huaj ku banon
- Dëshmi për vendbanimin e fundit në Republikën e Kosovës
- Dëshmi që i ka përmbushur detyrimet financiare ndaj shtetit (dëshmi nga Administrata tatimore e Kosovës dhe nga zyra komunale e tatimit në prone mbi përmbushjen e obligimeve tatimore)
- Dëshminë nga qendra komunale për punë sociale që i ka përmbushur të gjitha detyrimet financiare ndaj personave për ushqim dhe mbajtje të të cilëve është përgjegjës para ligjit
- Dëshminë që nuk është nën hetime penale dhe që nuk është i dënuar për vepra penale të lëshuar nga gjykata kompetente e Republikës së Kosovës, dhe nga Policia e Kosovës si dhe organi kompetent i shtetit të huaj shtetas i të cilit është parashtruesi i kërkesës apo shtetin në të cilin ai /ajo ka pasur vendbanimin e fundit, jo më të vjetër se 6 muaj
- Dëshmi nën betim që shtetasi që kërkon lirim nga shtetësia nuk është nëpunës civil, gjykatës, prokuror publik, pjesëtar i policisë së Kosovës, pjesëtar i forcës së sigurisë së Kosovës ose pjesëtar i Agjencionit të Kosovës për Inteligjencë.
- Në rast se komisionet vendos për lirim nga shtetësi nga shtetësia e Republikës së Kosovës shtetasi në fjalë është i obliguar të prezantojë dëshminë për pagesën e taksave administrative në shumë prej 150 euro.
- Të gjitha dokumentet e ofruara si dëshmi duhet të jenë të përkthyer në ndonjë tërësi nga gjuhët zyrtare në Kosovë.

## **Procedurat e aplikimit për humbjen e shtetësisë së Republikës së Kosovës me lirim nga shtetësia i/e te miturve**

Kërkesa për humbjen e shtetësisë së Republikës së Kosovës me lirim nga shtetësia e te miturve parashtrohet përmes prindërve apo njërit prind dhe behet ne te njëjtën kërkesë te parashtruar nga prindërit apo prindi ne Zyrën e Gjendjes Civile sipas vendbanimit (te fundit)te parashtruesit te kërkesës ne Republikën e Kosovës Kërkesës duhet bashkangjitur këto dëshmi:

- Dëshminë për posedimin e shtetësisë te ndonjë shteti tjetër apo garancionin (provën) se kjo shtetësi do ti jepet
- Certifikatën e lindjes se te miturit
- Certifikatën nga regjistrat e e gjendjes civile te prindërve
- Dëshmi për vendbanimin/ vendqëndrimin te shtetit te huaj ku banon
- Dëshmi për vendbanimin e fundit te prindërve ne Republikën e Kosovës
- Kopja e dokumentit te identifikimit te të miturit nëse e posedon
- Kopjen e dokumentit te identifikimit te të dy prindërve
- Deklaratën e pajtimit me shkrim nga te dy prindërit e vërtetuar
- Pajtimi i te miturit me i vjetër se 14 deri ne 18 vjet.
- Ne rast se përkujdesjen e fëmijës se mitur e ke njeri prind dëshmitë duhet te plotësohen vetëm nga njeri prind qe e ka përkujdesjen e fëmijës se mitur. Ne këtë rast kërkesës duhet ti bashkëngjitet edhe dëshmia me te cilin vërtetohet se prindit ne fjale i është besuar përkujdesja ndaj fëmijës se mitur
- Ne rast se komisionet vendosin për lirim e fëmijës se mitur nga shtetësia e Republikës së Kosovës, prindërit apo prindi i fëmijës është i obliguar te prezantoj dëshminë për pagesën e taksave administrative ne shume prej 50 euro.
- Te gjitha dokumentet e ofruara si dëshmi duhet te jene te përkthyer ne ndonjë rënë nga gjuhet zyrtare ne Kosove.
- Kjo procedure vlen edhe për fëmijët e adaptuar

## **Procedurat e aplikimit për humbjen e shtetësisë së Republikës së Kosovës me lirim, të fëmijëve sipas nenit 7.2 të ligjit për shtetësinë e Kosovës**

Kërkesa për humbjen e shtetësisë së Republikës së Kosovës me lirim të fëmijës sipas nenit 7.2 të Ligjit për Shtetësinë e Kosovës (në rast se të paktën një prind i fëmijës identifikohet para se fëmija të ketë mbushur moshën 7 vjeçare dhe prindi në fjale nuk është shtetas i Republikës së Kosovës, me kërkesë të prindit fëmija e humb shtetësinë e Republikës së Kosovës me kushte që me humbjen e shtetësisë së Republikës së Kosovës fëmija të mos mbetet pa shtetësi) bëhet nga prindërit apo njëri prind në Zyrën e Gjendjes Civile sipas vendbanimit të fëmijës në Republikën e Kosovës.

Kërkesës duhet të bashkëngjiten dëshmitë si në vijim:

- Certifikatën e lindjes së fëmijës
- Dëshminë për vërtetimin e atësi/amësisë
- Dëshminë për posedimin e shtetësisë, të shtetit shtetas të të cilit janë prindërit apo njëri prind
- Garancionin (provën) se fëmijës do të jepet shtetësia e prindërve apo njërit prind
- Kopjen e dokumentit të identifikimit të të dy prindërve apo njërit prind
- Kopja e dokumentit të udhëtimit të fëmijës nëse e posedon
- Të gjitha dokumentet e ofruara si dëshmi duhet të jenë të përkthyer në ndonjë tërësi nga gjuhët zyrtare në Kosovë
- Në rast se komisionet vendosin për humbjen e shtetësisë së Republikës së Kosovës të fëmijës, prindërit apo prindi i fëmijës është i obliguar të prezantojë dëshminë për pagesën e taksave administrative në shumë prej 50 euro.

## **Aplikimi ne misionin Diplomatik apo Konsullor te Republikës se Kosovës**

Ne rastet kur parashtruesi i kërkesës i ka vendbanimin jashtë Republikës se Kosovës kërkesa mund ti parashtrohet perfaqsisë me te afërt diplomatike ose konsullore te Republikës se Kosovës. Përfaqësia diplomatike ose konsullore ka për detyre qe kërkesën e parashtruar t'ja përcjelle MPB (Zyra për Shtetësi). Aplikimi ne përfaqësi diplomatike apo konsullore do te behet ne kohen kur do te bëhen funksionale perfaqesite diplomatike apo konsullore te Republikës se Kosovës.

## **Shqyrtimi i kërkesës për humbjen e shtetësisë se Kosovës me lirim**

Shqyrtimi i kërkesës për humbjen e shtetësisë se Kosovës me lirim behet nga Komisioni për Shtetësi i MPB-se. Komisioni për shtetësi ne kuadër te MBP-se pas shqyrtimit te kërkesës me dokumentet e bashkangjitura nxjerr vendimin përkatës brenda 30 ditësh. Pala e pa kënaqur kundër vendimit ka te drejte anekese ne Komisionin për shqyrtimin e ankesave te shtetësisë ne kuadër te MPB-se brenda 30 ditësh. Kundër vendimit te komisionit për shqyrtimin e ankesave mund te iniciohet procedurë gjyqësore ne gjykatën kompetente.

## **Refuzimi i kërkesë për lirim nga shtetësia e Kosovës**

Komisioni për Shtetësi refuzon kërkesën për lirim nga shtetësia e Kosovës nëse shtetasi qe kërkon lirim nga shtetësia është nëpunës civil, gjykatës, prokuror publik, pjesëtar i policisë se Kosovës, pjesëtar i Forcës se Sigurisë se Kosovës apo pjesëtar i Agjencisë se Kosovës për Inteligjence ose lirim nga shtetësia është ne kundërshtim me interesat e Republikës se Kosovës, ne veçanti me ato te sigurisë se brendshme dhe te jashtme ose te marrëdhënieve ndërkombëtare te Republikës se Kosovës.

## **Garancioni**

Me kërkesë te shtetasit i cili kërkon lirim nga shtetësia e Kosovës, Komisioni për shtetësi i MPB-se mund ti lëshon shtetasit ne fjale një garancion me te cilen garantohet se shtetasi

i plotëson kushtet për lirim nga shtetësia sipas Ligjit për Shtetësinë e Kosovës dhe do të miratohet kërkesë për lirim nga shtetësia, nëse shtetasi në fjale paraqet dëshmi për fitimin e shtetësisë së një shteti tjetër, përkatësisht paraqet garancionin e lëshuar nga organi kompetent i shtetit tjetër se do të fitoj shtetësinë e atij shteti, nëse lirohet nga shtetësia e Republikës së Kosovës.